

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi
Cantuariensis: Volume 2

Edited by Charles Trice Martin

Excerpt

[More information](#)

REGISTRUM EPISTOLARUM
FRATRIS JOHANNIS PECKHAM
ARCHIEPISCOPI CANTUARIENSIS.

VOL. II.

R 4237. Wt. 14024.

A

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi
Cantuariensis: Volume 2

Edited by Charles Trice Martin

Excerpt

[More information](#)

CCCVI.

TO CARDINAL BENEDICT GAETANO.

Reverendo in Christo patri ac domino Benedicto, 1282.
 Dei gratia Sancti Nicholai in Carcere Tulliano diacono 1 Aug.
 cardinali, frater J[ohannes], permissione divina, etc., Defends
 cum omni reverentia et honore paratam ejus beneplacitatis voluntatem. Paternitatis vestræ literas suscepimus his pro-
 cum ingenti gaudio et dolore, asperas quidem sed non ceedings
 exasperantes, inferentes caritatis vulnera sed sanantes, against the
 tenentes siquidem certissime quod vos ea quæ simplicitati nostræ expediunt, cum affectu amplectimini¹ et R. f. 16.
 effectu. Hoc solum in sanctitatis vestræ literis mirandum vidimus et plangendum, quod inimicis Dei et nostris ecclesiasticam fugientibus disciplinam, et præsertim blæsis Herefordensis episcopi labiis, fidem adhibuisse vestra reverentia videbatur. Scripsistis enim, pater sanctissime, quod ipse ad sedem apostolicam, propter molestias sibi a nobis et nostris officialibus illatas, requirere, ut asseritur, est compulsus. Super quo, pater sanctissime, noveritis quam nos asserimus inveniendam finaliter veritatem. Quoniam cum . . . officialis suus ab . . . officiali nostro ex parte una, et ab auditoribus nostris ex parte altera fuisset hinc inde propter multiplicatam contumaciam ac totius libertatis Cantuariensis ecclesiæ subversivam, quantum in ipso erat excommunicationis sententia innodatus, nos coacti scripsimus episcopo ut ipsum excommunicatum denunciari faceret sollempniter, ut est moris. Quo nostra mandata et monita contempnente, eidem diximus viva voce, cujus dicti tam ipsum quam Ardi-

¹ *amplectimini*] *aplectimini*, MS.

cionem complicem suum testes quamvis adversarios invocamus, ut ipse nobis faceret, quod prædecessores sui prædecessoribus nostris omni tempore fecisse noscuntur. Adjicientes quod, si hoc faceret, sic possessione juris nostri uteremur imposterum sobrie et modeste, quod nunquam ipse gravaretur aliquo facto nostro. Quibus ab ipso spretis, tandem crescente contumacia indurata, multorum prudentum consilio cuidam socio nostro commisimus potestatem in ipsum, si contumax remaneret, quod erat canonicum exercendi. Quo facto fugit ipse in spiritu Dathan et Abyron, non minus ex innata læsione cerebri quam ex pervicacia voluntatis. Postquam vero sponte recessit pacificatis suffraganeis nostris, qui propter quædam officialium et auditorum nostrorum gravamina extiterant offensi, ipsis rogantibus concessimus quod ipsum Herefordensem ad eandem pacis formam reciperemus hilariter, si rediret penitus ad eandem. Ipse autem, processus nostri tam in conciliis quam extra concilia præcipuus impeditor, hujus nostræ benignitatis abusu recessit pertinax, ut credimus firmiter, quod nollemus, meritis sanctorum Cantuariensis ecclesiæ patronorum cum suis complicibus ira Altissimi feriendus. Hæc est veritas, pater sanctissime, pro cujus defensione nullum timemus genus angustiae sustinere. Demum mansuetudinem nobis suadet vestra dulcissima clementia, de quo vobis breviter respondemus, quod nisi nostra mansuetudo excederet perfectæ virtutis limites, non vastarent tot lupi in Anglia oves Christi, quot vastare sensibiliter dinoscuntur. Et nihilominus ex habundanti mansuetudinis gratia omnes nostros mutavimus auditores, nihil tantum desiderantes sub cælo, sicut pro illis qui nobis falso imponuntur excessibus, in facie sanctæ Romanæ ecclesiæ comparere fronte libera omnium adversantium jaculis restituri, et nichilominus interim vestris parebimus beneplacitis bona fide. Custodiat Dominus excellentiam vestram per

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi
Cantuariensis: Volume 2

Edited by Charles Trice Martin

Excerpt

[More information](#)

EPISTOLÆ JOHANNIS PECKHAM.

395

tempora longiora. Scriptum apud Wengeham, kal.
Augusti.

CCCVII.

DIVISION OF WINGHAM INTO FOUR PARISHES.

Universis præsentis literas inspecturis, frater Jo-
hannes, permissione divina Cantuariensis archiepisco-
pus, totius Angliæ primas, salutem in Domino sem-
piternam. Summi Patrisfamilias providentia, cujus
imperium universæ creaturæ terminos moderatur, vi-
neam suam custodibus commendavit, et unicuique
secundum propriam virtutem ac gratiæ mensuram dis-
pensans, tradidit regni sui negotia procuranda, ne si
forte transcenderet negotiantis vires et industriam
talenti crediti magnitudo, fraudaretur thesaurus Domini,
vastaretur vinea, et grex Christi sanguine comparatus
sub opilionis insufficientia a lupis libere vastaretur.
Nos igitur vitalis fructus desiderio in Christi specula
sollicitas excubias secundum datam nobis gratiam ob-
servantes, attendentesque processu temporis minui
merita, augeri maliciam, ac refrigescere caritatem, quæ
sola debet ad animarum regimen mentes catholicas
inclinare; in ecclesiam de Wengeham oculos injecimus
tanquam vineam distentam ramis ac fructibus copio-
sam, nec posse faciliter unius cultoris sed nec duorum
sufficienter excoli laboribus, tam propter distentum
terræ spatium, quam populum numerosum, sufficere-
que fructus ejus uberes pluribus laborantibus condigna
stipendia ministrare. Valdeque videtur a divinis re-
gulis alienum, quod pluribus Christi militibus sufficit
affluenter, cum rei publicæ læsione, et animarum indi-
cibili dispendio, in unius marsupium coartari. Quocirca
in hujus periculi remedium nos cum capitulo nostro
super hoc tractatu habito diligenti, de ipsius præmedi-
tato consensu, renunciantesque ordinationi felicitis recor-

1282.
2 Aug.
Division of
Wingham
into four
parishes.
R. f. 104 b.
A. f. 137 b.

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi
Cantuariensis: Volume 2

Edited by Charles Trice Martin

Excerpt

[More information](#)

dationis domini Gregorii papæ decimi, qui ad instantiam bonæ memoriæ domini Roberti, prædecessoris nostri, ecclesiam de Wengeham dividi voluit in præbendas, eam in quatuor parochias dividimus in hunc modum. Quarum primam esse volumus, ecclesiam de Wengeham cum omnibus hamelettis suis et cum decima nostra archiepiscopali de *la Bertone*, et cum capella et decimis domini de Overlaunde ac tenentium ejusdem omnium in Overlaunde, et cum tota decima de Cockynge et de Hodoun, et cum tota decima Campi Crul, qui in eisdem finibus de nostro esse dinoscitur tenemento. Secundam, parochiam de Esse, habentem totum residuum decimarum quæ consueverunt venire ad orreum de Geldeneton', cum capella de Flete, et cum omnibus hamelettis suis, illis tamen semper exceptis quæ supra ecclesiæ de Wengeham assignavimus nominatim. Tertiam, ecclesiam de Godwyneston' cum hamelettis de Boningtun', Offingtun', Rollinges, Newenham, Underdone, cum partibus de Tuicham et de Chelmden', quæ ab antiquo consueverunt ad eandem de Godwynestun' ecclesiam pertinere. Quartam, ecclesiam de Noningtun' cum capella de Wymelingewelde ac hamelettis de Rittlynge, Freydevile, Hesole, Suthmoningtune, Hakeholte, Catehampton', Attedane, Wolshethe, et Vike, salvis in prædictis quibusdam portionibus, quas vicarii hactenus libere percepisse noscuntur. Et quia in hac divisione ad solum Dei honorem et spirituale ac temporale commodum respicimus animarum, regulas sequentes canonicas secundum Dionysium, manifeste sub interminatione divinæ maledictionis universis nostris subditis prohibemus, ne quis hanc divisionem de prudentum virorum consilio exquisitissime factam audeat impugnare. In cujus rei testimonium præsentem scripturam sigilli nostri impressione duximus roborandam. Valet. Datum apud Wengeham, *iiii*^{to} non. Augusti, anno Domini millesimo *cc*^o*lxxx*^o secundo, consecrationis nostræ quarto.

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi Cantuariensis: Volume 2

Edited by Charles Trice Martin

Excerpt

[More information](#)

CONFIRMATION BY THE PRIOR AND CHAPTER.

R. f. 104 b.

Omnibus Christi fidelibus præsentes literas inspecturis Th. permissione divina prior ecclesiæ Christi Cantuariensis, et ejusdem loci capitulum, salutem et sinceram in Domino caritatem. Ordinationem quam venerabilis pater Johannes Dei gratia Cantuariensis archiepiscopus, totius Angliæ primas, circa ecclesiam de Wengeham fecisse dinoscitur, inspeximus in tenore qui inferius annotatur:—Universis præsentes literas, etc. Summi Patrisfamilias providentia, etc., *de verbo ad verbum sicut in proxima litera usque in finem*. Quam ordinationem dicto archiepiscopo ut inspiratam cœlitus ratam habentes, eidem concorditer consentimus, et eam sigilli nostri munimine duximus perpetuo confirmandam. Datum in capitulo nostro Cantuariæ, nonis Augusti.

CCCVIII.

PECKHAM TO THE CONVENT OF CHRISTCHURCH,
CANTERBURY.

Frater Johannes, permissione divina Cantuariensis 1282.
ecclesiæ minister humilis, totius Angliæ primas, dilec- 6 Aug.
tis filiis . . . priori et capitulo ecclesiæ nostræ Can- Injunc-
tuariensis, salutem, gratiam et benedictionem. Ex tions to be
evangelicis fundamentis, Spiritus Sancti gratia diri- observed
gente, beati Benedicti regula dinoscitur processisse. by the
Quæ si a vobis, filii carissimi, perfecte et integre ser- prior and
varetur, essetis toti ecclesiæ Anglicanæ perpurgæ clari- convent.¹
tatis speculum, cujus tenetis locum præcipuum Salva- R. f. 228.
toris clementia ordinante. Quod in vobis cupientes A. f. 164.
totis visceribus consummari, quasdam vobis salubres observantias proponimus et imponimus, quæ præsentī

¹ Marginal note in R. : “Ultima | lum ecclesiæ Christi Cantuariensis
“ordinatio inter priorem et capitu- | “facta per dominum.”

pagina continentur, a te, fili prior, sumentes exordium, qui in absentia nostra abbatis geris officium, ex cujus moribus et industria totius monasterii bona dispositio cognoscitur dependere. In primis, igitur, quia omnium tam spiritualium quam temporalium tibi ex regula committitur dispensatio, ut vigore meriti ministerium tuum facias honorabile, et commisso tuo collegio fructuosum; volumus et mandamus, ut quotienscumque vacare poteris commode, et forinseca negotia id permittent, quorum onus pro subditis tuis cogere principaliter sustinere, quasi cervus umbram desiderans, ad claustrum refrigerium confugas, et ibidem sedens et silens cum fratribus conquiescas, sicut aquila ad volandum provocans pullos suos, ut et fratrum confiteri volentium cures vulnera, et consolides vacillantes, ac in ceteris locis communibus, utpote choro in vigiliis, dormitorio in quiete, capitulo in collationibus, refectorio in necessitatibus, te sic realiter priorem ac præcessorem exhibeas, ut oves cum gaudio te sequantur. Alioquin si, quod absit, implicationem forinsecam ultro amaveris, si etiam, quod absit, laxius vixeris, si vigiliarum excubias remissius custodieris, in te adimplebitur, quod avertat Altissimus, illud Sapientis elogium, "Rex insipiens populum suum perdet."¹ Demum vobis filiis scribimus universis, ut divinarum laudum officio vos totis viribus coaptantes, horis canonicis in choro cum fratribus, ubi Verbi Incarnati est procul dubio præsentia corporalis, ubi condigne psallentibus angelorum assistit applausus, dimissis omnibus intersitis, illis duntaxat exceptis qui ex causa necessaria coguntur abesse de certa conscientia præsentis. Et qui secus fecerint, secundum regulam puniantur, de quo tuam, prior, conscientiam in tremendo iudicio oneramus. Et ne causari valeas impotentiam, volumus et mandamus vice et auctoritate nostra cervicem indomitam, si quæ fuerint, in hoc et in aliis corrigas, in minoribus

¹ *Ecclus.* x. 3.

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi
Cantuariensis: Volume 2

Edited by Charles Trice Martin

Excerpt

[More information](#)

arbitrarie, in gravioribus autem de consilio seniorum tibi assidentium, quos non solum annorum numerus verum vita immaculata facit amplius reverendos. Ubi autem regula certam pœnam infligit, magistram sequaris regulam ut teneris. Nec etiam aliquid subtrahas de necessariis communitati, seu in vestibus seu alimentis, seu necessariis quibuscunque, sine communi consilio, juxta quod regula fieri mandat in capitulo "De fratribus ad consilium adhibendis."¹ Nec juniores fratres administrationibus interioribus vel exterioribus quomodolibet implicentur, donec suum servitium reddiderint competenter, nisi sint tales quibus propter prærogativam meritorum et utilitatem publicam fieri debeat gratia specialis. Nulli insuper fratri pro necessitate quacunque seu negotio de clauastro egredi liceat, absque socio interius et exterius non suspecto sibi assignato de certa conscientia præsentis. Inhibemus autem ne in prioris absentia quicumque, superior vel alius pro conventus regimine subrogatus, alicui vel aliquibus præbeat exeundi licentiam, ad quemcunque locum vel loca, cui vel quibus priorem si præsens esset putat probabiliter velle negare licentiam exeundi. Sacristæ autem et camerario equos, bigas et prata concedimus, quæ pro suo explendo officio habere consueverunt temporibus retroactis. Ita tamen quod eisdem sacristæ et camerario non liceat equos ipsos aut bigas accommodare alicui sine licentia præsentis. Circa dispensationem vero temporalium forma ista inviolabiliter observetur: ut, videlicet, prior de fratrum consilio, ut fieri consuevit, ballivos collocet in singulis

¹ Regula S. Benedicti, c. iii.

"Quotiens aliqua præcipua agenda sunt in monasterio, convocet abbas omnem congregationem, et dicat ipse unde agitur. Et audiens consilium fratrum, tractet apud se; et quod utilius judicaverit, faciat. Ideo autem

"omnes ad consilium vocari diximus, quia sæpe juniore Dominus revelat quod melius est," &c.

The rule, with a copious commentary, is printed among the works of S. Benedict, in Migne's *Patrologiæ Cursus*, vol. lxxvi. p. 215.

Cambridge University Press

978-1-108-05146-0 - Registrum Epistolarum Fratris Johannis Peckham, Archiepiscopi Cantuariensis: Volume 2

Edited by Charles Trice Martin

Excerpt

[More information](#)

maneriis sæculares, et præpositos aliquos de tenentibus ecclesiæ fideles et industrios in eisdem. Ita tamen quod ballivi nullam pecuniam recipiant de maneriis, sed dumtaxat præpositi omnes proventus et exitus maneriorum undecunque provenientes recipiant et colligant, et ad thesaurariam deferant, sub custodia thesaurariorum, absque diminutione qualibet collocanda, exceptis tantummodo possessionibus illis quæ sunt ad eleemosynariam in subsidium egenorum et ad præcentoris officium pro librorum custodia deputatæ. Ita quod omnia alia bona monasterii temporalia ex quacunque causa seu spirituali seu temporali provenientia, ad thesaurum veniant evidenter, et tam prior pro necessitatibus personæ suæ, vel ecclesiæ, quam ceteri obedientiarum, ex eodem thesauro recipiant omnia sibi necessaria sine fraude. Prohibemus autem, monentes primo, secundo et tertio, quia evidens periculum excludit inducias longiores, ne per aliam viam quis audeat vel in maneriis vel in ecclesia vel alibi ubicunque bona ecclesiæ contrectare, seu in privatos usus quomodocunque convertere, sub pœna excommunicationis majoris, quam in hiis scriptis ferimus in quoscunque contrarium facere præsumentes, abusum talem dampnatæ proprietatis ac sacrilegii vitium reputantes. Præpositi autem ipsi de receptis reddant rationem coram priore vel aliquo ejus vices gerente, et aliquibus discretis fratribus, prout fieri consuevit. Provideatur insuper per priorem et capituli seniores, quod duo fratres honesti et providi, quando dicetur eis per priorem de seniorum consilio, visitent pariter maneria prioratus quæ sunt in Kancia, et duo alii maneria extra Kanciam, qui statum maneriorum, ac ballivorum et præpositorum diligentiam seu negligentiam, explorent sollicite, et priori et conventui referant quod invenerint in præmissis. Ita tamen quod isti supervisores nullam recipiant pecuniam in maneriis, sed præpositi eis sumptus necessarios subministrent, et expensas necessarias, si quas facturi sunt, usque ad